



**Kommunit aningaasaqarnertik nammineernerullutik akisussaaffeqarnerullutillu aqussinnaalernissaat pillugu Naalakkersuisut UKA2025-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

**Kommunit nutaamik agguataarlugit aaqqissuunneqarnissaat pillugu Naalakkersuisut UPA2025-mut agguaassassamik nalunaarusioqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

## **Siullermeenera**

Inatsisartunut ilaasortap Aqqalu C. Jerimiassen, Atassut sinnerlugu Inatsisartut aalajangiiffigisassaattut siunnersuutai marluk immikkoortoq 129 aammalu immikkoortoq 130 siunnersuutit taakku marluk ataatsimut oqaluuserisassanngorlugit suliarisassanngortinneqartut pillugit Naleqqamiit siunnersuuteqartoq siunnersuutaanut qujassuteqarfigalutigit imatut Naleqqamiit siunnersuutai oqaaseqarfigissuagut.

## **Siunnersuut immikkoortoq 129**

Siullermik immikkoortoq 129 tassalu Kommunit aningaasaqarnertik nammineernerullutik akisussaaffeqarnerullutillu aqussinnaalernissaat pillugu Naalakkersuisut UKA2025-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuummut saqqummiunneqartumut imatut anngussa qarussupugut.

Siullermik parlamentarismimik suleriuseqarnerput qiviarutsigu siunnersuuteqartumut Naalakkersuisut akissutaat assut Naleqqamiit pakatsissutigatsigu oqaatigissavarput, tassami Inatsisartunut qinikkanut Naalakkersuisut pitsaasumik sullissiniartussaagaluarput uanilu takutinneqaqqippoq qinikkatut siunnersuuteqartoq suusupagineqarlunilusoq akissuteqarfigiinarneqapajussimasoq tupigusuutigulluinnarparput uggoreqaarpullu siunnersuutit nalilersorneqartarnerini siunnersuutit qanoq suliarineqassanersut aammalu suliarineqarnissaanik qulakkeerinnittoqarluni inissisimasoqarniartannginera, uani siunnersuummi suliarinerani ersersinneqaqqimmat sullarlunneq annertoq siunnersuuteqartup suliakkiissutaa ersarippoq, taamaakkaluartoq Naalakkersuisut akissuteqaatimi siunnersuuteqartumut itigartitsinermut ilaatigut tungavilersuutaavoq siusinnerusukkut kommunit aaqqissuussaanerannut uteqqinnermi



allaffissornikkut ingerlatsinermut aningaasartuutit pillugit nassuiaat saqqummiunneqareeraluartoq Naalakekrsuisut aaliangernaveersaartuarsinnartut maluginiagassaavoq, tamannalu Politikkikkut aaliangernaveertarnerpassuit amerlasuut nalinginnaaginnaleraluttuinnartut assigiinarlugit ingerlanermi periuserineqalersut assorujussuaq Naleqqamiit uggoraarput.

Politikkikkut aaliangernaveersaernerit amerlasuut ingerlalernikuupput nalunaarusioqqaartoqanngippat aammalu ataatsimiititaliortoqqaqqaanngippat uani siunersuuteqartumut Naalakkersuisut akissutaat suliat aallartissimanerariarlugit ataatsimiititaliarsuarmik nutaamik pilersititsinissaq pillugu aaliangiinissaq kinguartinneqarsimasoq oqaatigaat aningaasaqarnermut nassuiaatip inernera utaqqeqqaarniarlugu ataatsimiititaliortoqassasoq kommunini arlaqartuni kissaatigineqarsimammangooq tamanna namminermini tupinnaannarani Naalakkersuisut nunap inui tusaanagit pissusilersortuarneranut aallaaveqartumik nunap inuisa kissaataanut illuatungilersuiarnerannut ersiutaavoq.

Kommunimmi amerlanerit innuttai oqaritortuarput nammineq kommuninngorusullutik tamannalu Naleqqamiit isumaqarpugut tusaanngitsoorneqarsinnaanngilluinnartoq aaqqiigasuarfigineqartariaqartorlu.

Siunnersuut qulequtserneqarsimavoq kommunit aningaasaqarnertik nammineernerullutik akisusaaffeqarnerullutillu aqusinnaalernissaat pillugu, Naalakkersuisut ukiakkut ataatsimiinneranni agguaassassamik nalunaarusioqqullugit Inatsisartut aaliangiiffigeqqullugit inatsisartut aaliangiiffigisassaattut siunnersuut saqqummiunneqarpoq, tamannalu eqqarsariarnarpoq tassami upernaamut qinersisusaavugut qinersisoqaraangallu suliat naammassineqanngitsut ingerlasut kiviinnartarput, taava una sooq siunnersuut angumersisinnaanngitsutut maannakkut eqqartorniarparput – ila susoqartoruna siulittaasoqarfimmi tamanna nalilersorneqarnissaa kissaatigaarput oqaluuse-risassatut siunnersuutit arlaqartut taamatut inissimasut suliakkiunneqartut allat taamatut aamma inissisimmammata.

Siunnersuutit uani qaqilerneqartut kinguarsarneqarlutik pisimapput, ilami qinersivik aallartiinnartoq qaqilerilerpugut kommunit kommunitoqqanut uternissaat suliarineqassasoq, taamaammat kiisa qineqqusaarutaallutik qaqilerniarneqaaqqittaalerput suliat ingerlareersut suliallu qinigaaffik uani naammassineqarsinnaagatik inisissimasut qaqilerneqarlutik. Kinguarsaaneq qimallugu qanoq iliuuseqartoqalerniarli kommunit oqariartoreerput kommuninngorusullutik, taasisaartut isigaagut tusaavagut allamik utoqqatsissutissaqqigani tamakku siunnerfiuniarlik kinguarsaalluni



aaliangernaveersaernerit Naalakkersuisullu qanoq iliuseqarnaveersaernerat qimallugu qanoq isumaqaannarata qanoq iluuseqalertariaqarpugut.

Siunnersuuteqartup qulequtsiussaa kommunit aningaasaqarnertik nammineerlutik akisussaaf-feqarnerullutillu aqusinnaalernissaat pillugu Naalakkersuisut nalunaarusioqqullugit peqquneqar-nissaanik siunersuuteqarnerat eqqarsarnartoqartipparput akerlianik immaqa kommuni aningaasaqar-nikkut ingerlatsinerat arlaatigut nukittorsarnissaa peqqarnissaa pitsaanerungaaralarpoq.

Kommunit aningaasanik ingerlatsinerat qiviaraanni takusinnaavagut maannakkut sermersuumi pisimasorpassuit nakkutilliisunik suliarineqarlutik naammassineqaqqaartariaqaraluartut taakkartorneqartorpassuit innuttaasut malinnaaffigisaat.

Tamaatullu kujataani pisut qiviaraanni aningaasatigut ingerlatsinerit ilungersunar-torujussuarmik inissisimasut ilumut kommunit nammineq akisussaaffeqarnerullutik ingerlatsiler-nissaanut piareersimanerpat imaluunniit nutaamik eqqarsarluta kommunit aningaasaqarnikkut nukittunerusumik ingerlatsinissaat piffissanngunnginnerpa nukittorsaaffigisallugu soorlu inatsisartuni Kukkunersiunermik ataatsimiititaliaqarpugut qulaajaasartunik ingerlataqartartunik imaluunniit periarfissat suut atorlugit aaqqissuusseqqissinnaavugut nalunaarusiuinnarnata.

Taamatut qitiumiit kommuninut aningaasaliissutaasartut aamma nalilersorlugillu oqaluuserisaqaagut soorlu sanaqateqarluni illuliassanut aningaasaliissutit taamatullu illu sullivinnut aningaasaliissutit aningaasaliissutaagaluartut isorliunerusunut atorneqartarsimagatik siunertaanut aningaasaliissutaasajuuginnartut, ila tamakku ajorput siunertaanut atortariaqarput aningaaliissutit atorneqanngitsoortartut nunaqarfinnu isorliunerusunullu amerlavallaarujussuaqaat.

Kommunit ingerlatsinerat qiviaraanni utoqqaat illuini sulisoqarnikkut ingerlatsinerit pitsaanerusariaqarput taamatullu innarluutilinnut kiffartuussinerit ajorluinnartumik inissisimapput taamatullu nunaqarfinni utoqqarnut kiffartuussinerit sipaarniarfigineqaqattaarput qitiumiit Inatsisit pitsanngorsarneqartut oqaluttoqaraluartoq. Taamaammat kommunit innuttaa-sunut kiffartuussinerat nukittorsaqqittariaqarpoq aningaasaqarnertik nammineernerullutik ingerlatis-sagaat aqutissiunnginneranni kiffartuussineq innuttaasunut qaninnerusoq angoqqaar-tariaqaripput Naleqqamiit isumaqarfigaarput. Aningaasaliissutit siunertaanut pitsaanereusumik atorneqarneri aaqqissuuneqartariaqarput.

Qanimut oqartussaaneq utertineqartariaqarpoq taamaammallu siunnersuutip aappaa:



## **Siunnersuut immiikkoortoq 130**

*Kommunit nutaamik agguataarlugit aaqqissuunneqarnissaat pillugu Naalakkersuisut UPA2025-mut agguassassamik nalunaarusioqquneqarnissaannik Inatsisartut aalajangiiffigisassaattut siunnersuut siulianittuut isummerfigaarput, ila qinersilersugut suliat ingerlareersut maanna sooq kiviinnartussaag eqqartussuarput.*

Innuttaasut oqariartortaqaattaarput kommunit nutaamik aaqqissuussiffigeqqittariaqartut, kinguarsaq-qinnagu tamanna angusariaqartoq Naleqqamiit ersarilluinnartumik isummerfigereernikuuarput, qinersisoqariiginnartoq piaartumik suliarigasuagassat kinguarsaqqinnagu tamakkorpassuit ilagiinnarpaat, uani qaqileriarneqaraluartoq Naalakkersuisut suliarerusunngilaat qinersivimmi uani, kinguarsaqattaaginnarpaat aammalu kinguarsaqqittuarlugu iluamilluunniit akinagu itigartinnarpaat kommunit aaqqissuussaanerannut allaffissornikkut ingerlatsinermut aningaasartuutit pillugit nassuiaat utaqeqqaarusummasuk, taannalu naammassereersimagaluartoq Naalakkersuisut isummerusunngillalluunniit qanoq isumaqarnerlutik innuttaasut kommunit nutaamik aaqqissuussiffigeqqinnissaannut piumassuseqanngillat, taamaammatt siunnersuummut isummeratik itigartitseqqinnarnerat Naleqqamiit uggoreqaarput.